

Гоньдже

*"Ильк баарьни муджелеген сары тюльпан,
бари бойле солмасайдын ич бир заман..."*

Н. Челебиджихан

№ 1

Эски Къырым мектебининъ газетасы

Сентябрь

2025с.




ХОШ КЕЛЬДИНЪ, СЕНТЯБРЬ!

Кунеш ве айны укюмдар эткен, сия геджени айдын сабагъа денъиштирген, парылдагъан йылдызларны кок-семаларда тизген, бир гоньджеден дюльбер чечек ачтыргъан, багъчаларда бульбуллернинъ сесини сайраткъан Аллах инсаниетке бу дюньяда яшамагъа къысмет этти. Бизим аятымызны исе, фаркълы-фаркълы байлыкъ ве зенгинликлер иле бар эткен, амма бир байлыкъ бар ки, оны не парадан сатып алырсынъ, не элинде тутуп олурсынъ, не козьлеринъ иле корьмеге чаре тапарсынъ. О байлыкътан, башкъа бир шей тень оламаз, о да - илимдир, илим ёлунда юрьмектир, бильги къазанмакътыр.

Бу дюньяда илим иле багълы не къадар китаплар язылгъан, дерсликлер басылгъан, биналар къурулгъан, лякин инсаннынъ омюринде ойле ер бар ки, онъа аит севгини не китапкъа сыгъдырысынъ, не сёзлер иле акс этерсинъ. О ерге сен бала олып биринджи сыныфкъа кирсенъ, он бир йылдан сонъ кучлю шахыс оларакъ чыкъаджакъсынъ, онынъ ады исе - мектептир!

Бу йыл, 2025 сене, бизим Амет-Хан Султан адына Эски Къырым 2-санлы умумтасиль мектебимиз, биринджи сентябрь куню озъ къапуларыны ачып,янгы окъув йылыны къаршылап, биринджи сыныфларны къуванчнен къабул этип, он биринджи сыныф мезунларыны осьтюрип,тантаналы мерасимни кечирди. Буюк илим байрамына, бильги кунюне аит олгъан мерасим, эм ана-бабаларнынъ,эм мусафирлернинъ, эм оджаларнынъ козьлеринде яш догъуртты, балачыкъларнынъ козьлеринде исе, озъ тувгъан сыныфларына кирмеге, севимли оджаларыны къучакъламагъа авеслик парылдады.Мерасимимизнинъ концерт программасында талелелер тарафындан азырлангъан саналаштырмалар, бу йылки он биринджи сыныф мезунлары биринджи сыныф талелелеринен саналаштырма-оюнны такъдим этилер, мавы- миллий байрагъымызнынъ тюзюнде бир топ пускаларны авагъа йибердилер ве эр бири икмет ве бильги иле синъирильген мектеп диварларындан, коридорындан кечип, сыныфларына кирип оджалары иле къавуштылар.



«БЕЛЫЙ ЦВЕТОК» АКЦИЯСЫ

29 сентябрьде мектебимизде «Белый цветок» акциясы кечти. Бу акция талобелерни эйилик мераметликке давет эте. Акция бизге XX асырдан Швейцариядан кельди. О, туберкулез хасталыгыны алдыны алмак ичюн яратылды. Акциясына ярдым этювге чешит тюрлю хайырперверлик базарлар ве концертлер кечериле эдилер. Адамларгъа листовкалар бериле эдилер, базы ерлерде анализ тапшыргъан пунктлер ачыла эдилер.

Башлангыч мектебининъ талобелер ана-бабаларнен берабер озъ креатив ве айретте къалдыргъан къалпыкъларны такъдим эттилер. Адет боюнджа, балалар озъ къолларынен япылгъан шейлерни мемнюиетнен дикъкъатынгъа бердилер.

Мектебимизде кечирильген мераметлик хайриелер, акциялар талобелернинъ дюньябакъышларыны, муаббетликни, адамларгъа яхшы мунасебетлерни ашыла ве тербие этелер. Онынъ ичюн биз меджбурмыз бойле эйи ишлеринизде иштирак этмек. Яхшы, мераметли ишлер-бу тек борджумыз дегиль, бу джанымызда эмин къуванч, севинч кетирген хызметтир.

Нуралиева Медине азырлады



МЕКТЕБИМИЗДЕ ПРЕЗИДЕНТ САЙЛАВЛАРЫ

Мектеп президенти сайлавлары - бу садедже бир ресмийлик дегильдир,бу эр бир талбени къасеветлендиреджек бир вакъиадыр. Бу, бизим фикирлеримизни,умютлеримизни ве мектебимиз насыл олмакъ кереклиги акъкъында хаялларымызны ифаде этюв вакътыдыр. Чокъусы талбелернинъ омюрюнде сайлавларда иштирак этювнинъ ильк теджрибеси эди ве о теджрибе оларнынъ юреклеринде силинмез из къалдырды.

Мектебимизде президент сайлавлары кечириледжек хаберини эшиткен талбелер, бирден теляшландылар. Бизим лидеримиз ким оладжакъ деп чокъ тюшюндицер. Сыныфларында президентке керек олгъан кейфиетлер акъкъында лаф эттилер, эеджанда булундылар.

Сайлав куню мектепте беклев муити бутюн ерни къаплап алды. Коридор ачыкъ шиарларнен безетильген эди, эр бир намзет дикъкъат джелъп этмеге тырыша эди. Эр бир сыныф озь фикирини, юрегине яткъан намзетини сайламагъа башлап, «Мектебимизнинъ янъы нефеси, янъы президенти ким оладжакъ?» суалине озь сечимини япып джевап бердилер. Бу эснаста фааль иштирак эткен сыныфлардан гъурурланамыз ве айыры гъурурымызны бизим мектеп президенти намзетлери ала.

Намзетлик эки инсан иле ибарет эди:

Резникова Эмилия (10 сыныф)

Балбеков Эдем (8-Б сыныф)

Къасеветте булунгъан, месулиетлик иле даврангъан талбелеримиз озь сечимини япты. Мектебимизнинъ янъы нефесине,акъ саифесине себепчи олгъан намзетнинъ ады белли олды, мектеп озь сачимини япты, сайлавларнынъ гъалиби - Эмилия Резникова олды.

Аллах бу месулиетли, итибарлы, ишанчлы иште Эмилия президентимизге ярдымджы олсун деп тилеклер тилеймиз! Бу иште бизим оджалар, талбелер ве, эльбетте «Гонъдже» муарририети ярдымджы олгъанындан ич де шубеленменъиз!

Гуту Зера азырлады



Хайырлаймыз!

ОДЖАЛАР КУНЮ ХАЙЫРЛЫ ОЛСУН, ЭНЪ СЕВИМЛИ ОДЖАЛАРЫМЫЗ!



Дюнъя юзюнде бизлерге Юдже Раббимиз фаркълы дюльберликлерни яратты, бизлерге де, инсаниет оларакъ, яратылгъан махлюкъатнынъ ичинде бу дюльберликлерни корьмеге къысмет этильгендир. Къырымтатар миллетимиз, тувгъан халкъымыз бу сырада айыры бир ерни ала, чюнки бизим ватанымыз, дюнъянынъ энъ дюльбер кошелеринден бирисидир, Къырым ярымадасыдыр. Къырымнынъ ичинде не къадар дюльберликлер бар, о къоджаман къаялар, кенъ чёллер, юксек дагълар ве чатырман орманлар, дюльбер багъчалар, ве насыл къаялыкъ учурымсыз олмаз, насыл чёллер серин ельсиз олмаз, насыл дагълар къарт тереклерсиз олмаз, насыл багъча дюльбер, ренкли чечеклерсиз олмаз, айны шекильде де мектеп, оджаларсыз мектеп оламаз!

Эр йыл октябрьнинъ биринджи афтасында Оджалар куню байрамы кечириле. Бу йыл мерасим 3 октябрь кунюне тюшти. Адети узьре, оджалар кунюнде бутюн дерслерни юкъыры сыныф талелелери алып баралар. Дерслерден эвель эписи талелелер озъ хайырлавларынен оджаларны къувандырдылар ве оларгъа эдиелер багъышладылар.

Эгер бизим арамызда яхшы адамлар олса, булар, башта, мектеп оджаларыдыр. Эгер бизде файдалы адамлар олса, олар да оджалардыр. Эгер арамызда озюне ич бир урьмет, макътав, шурет талап этмейип, бутюн гъайретини окъув-тербие ишине, акъикъат ёлуна сарф эткен киши олса, булар да оджалардыр...

**Шереф сизге, мухтерем оджалар!
Байрамынъыз хайырлы олсун!**

Талелелерден



ХАЙЫРЛАЙМЫЗ, СЕВИМЛИ МЕКТЕП!

П

Эр бир шеэр ве койде, пайтахт ве меркезде инсаниет биналар кзура, темеллер котере, диварлар тизе ве нетиджеде озюне ляикъ эв етиштире, амма эр бир бала ичюн озъ екане эвинден гъайры, оськен-буюген еринден гъайры, там о шеэр ве койде экинджи, айны сыджакъ ве азиз эви киби ер бар, о ернинъ ады - мектептир!

Эгер эр бир талебе мектепке кирген биринджи кунюни хатырласа, там бир фикирни ташыгъан джумлени кзурып оламаз, чюнки эеджан толугъа, чешит дуйгъулар иле толугъа фикирни ифаде этмек чокъ муреккептир. Амма умумен, эр бир бала, биринджи мектеп афтасы беллей ки: «Бу ерде окъумакътан, ве язмакътан зияде башкъа бир шей тапып оламам», амма йыл-йылдан анълай ки, не къадар янълыш фикирде олгъаныны...

Мектебимизнинъ догъгъан куню адетиндже тантаналы мерасим иле башлана, талелелернинъ юреклеринде тувгъан мектебине айт олгъан сайгъы-уръмети эр бир сыныфта корюне, козълери кзуванчнен парылдай. Оджалар козълеринде яшларны тутуп оламайып агъламагъа башлай, ве эр бир козьяшта, бу диварларгъа, бу мектепке не къадар эмек къошкъанлары сакълы олгъаны корюне. Балачыкълар буны корип, оджалар ичюн дюльбер плакатларны азырлай, ренкли-ренкли левхалар иле мектеп коридорыны яраштыралар. Эр бир оджа, бу мектептен багълы олгъан базы бир адисе, вакъиалар иле талелелернен пайлаша, Санки бир муджизеге огърагъан, масалгъа кирген киби балачыкълар, тарихке далып, буюк, улу тарихнинъ бир къысмы олгъаныны анълайлар.

Йыл-йылдан мектеп оджалар ве талелелер ичюн омюрлерининъ буюк къысымына чевириле. Талелелер мында хакъ ве керчек олгъан достлукъны тапа, мында къыйынлыктардан чыкмакъ хусусиетни, догъру ёлны къыдырув хасиетини тапалар, мында кучюк шейлерден буюк ибретни алаалар. Олар оськенлерине бакъмадан,

анълайлар ки, мектеп аятына башкъа адым тапып оламазлар...

Мектебимизнинъ догъгъан куню бу ялынъыз бир байрам дегиль. Бу озюньни токътатып ардынъа бакъып «Озюмден сонъ не къалдырдым?» суалине джевап тапмакъ фырсытыдыр. Илим ёлунда ярдым эткен бутюн шахысларгъа тешеккур бильдирмек фырсытыдыр. Эр бир мектеп азасы анълай ки, мектеп бу ялынъыз илим ери дегильдир, бу достлукъ, севги ве аманлыкъ еридир.

Хайырлы яшларынъ олсун севимли мектебимиз! Диварларынъ севги ве кзуванч иле толугъа олсун, талелелернинъ юрегинде исе, санъа айт олгъан урмет, севги ве тешеккур олсун!

Якубова Сабиль азырлады



Газета Эски Къырым шеэриндеки 2-нджи умумтасиль мектебинде басылды.

Адрес: Ленина сокъагъы, 44 Эски Къырым шеэри, 297345.